

Swift
CANNED MEAT SPECIALTIES
Agente: **Wimco**

ARUBA ANSE COURANT

KING SIZE COCA-COLA
MORE FOR YOU!

Aruba



Diario pa



NOW!!
FOR
COOLNESS
AIRCONDITIONING
Tel. 2176



No. 4770

DIABIERNE 18 DI OCTOBER 1963

Anja 25

DELIBERACION ENTRE ARGELIA Y MAROKKO A FRACASA

Bringamentunan ta continua

ARGEL, 18 oct. — Delegacion especial di president Ben Bella cu a regresa Argel ayera noch for di Marokko, a participa cu e deliberacionnan cu nan a hiba cu representantenan di Marokko no a trece un solucion den e crisis fronterizo.

E lider di e delegacion Argelina, Mohammed Jazid, a bisa despues di su yegada na e aeropuerto di Argel na periodistanan: „Muy a mi pesar mi mester participa boonan cu te ainda nos no por a crea condicionnan pa un arreglo di e problema fronterizo“. El a bisa ademas: „Nos a considera necesario pa regresa Argel pa pone president Ben Bella inmediatamente na altura di nos deliberacionnan“.

E lucha den e territorio fronterizo entre Marokko y Argelia ta sigui sin cesar.

E prefecto di e distrito Argelino unda e bringamentunan ta tuma lugar principalmente, Djelloul Labib, a participa na un conferencia di prensa cu trupanen Argelino den cercania di e

frontera di Marokko a haci un atake riba reforsanan cu tabata na caminda. E trupanen Argelino di 400 solda den e territorio en cuestion ta para contra 4000 solda di Marokko cu ademas ta worde yuda pa tanki y avionnan cu ta worde usa como artilleria, asina el a bisa.

Pero segun e prefecto e perdanan di Marokko ta grave. E Argelinan ta ainda tin tur puntanan estrategico y lugarnan pa bebe awa den nan posesion. E prefecto a participa cu solamente custer militar di e trupanen Argelino a worde herida den e ultimo dianan, mientras cu 28 militar di Marokko a worde cohe presu.

President Ben Bella a anuncia cu awe lo tin un entiero di estado pa e victimanan di e agresion di Marokko na e frontera west y di e lantamentu na Kabila. El a haci un yamamentu na tur Argelinan, pa conmemora e casonan aqui awe. Awe tardi tur trabou lo para na henter Argelia.

Haile Selasie
Emperador Haile Selasie di Etiopia a yega ayera cu trein for di Casablanca

den e ciudad Marrakesj na Marokko. Ta worde calcula, cu e emperador lo ofrece su bon servicicionan den e conflicto entre Marokko y Argelia. Awe lo delibera cu rey Hassan. Despues di su bishita na Marokko e emperador di Etiopia lo sigui, probablemente diadomingo, pa Argelia.

Comentario Ruso



E conflicto entre Argelia y Marokko ta contra di e interesnan di e dos pueblonan y solamente por ta na bienestar di e circulanon kolonialista e imperialista, asina e corant di partido comunista Ruso „Pravda“ a scribi. E corant ta teme, cu e basenan Mericano, cu tabata pa worde retira pronto for di territorio di Marokko, lo worde mantene awor. Segun e corant e kolonialistanan Frances no tin nada contra pa e dos paisnan cuminsa un conflicto arma na asina reforsa e posicion di e monopolionan cu ta explota e riquezanan di Sahara.

Quiebra total inevitable

E agencia di prensa na Marokko a participa, cu e negociacionnan di paz leltre Argelia y Marokko a fracasá. E delegacion Argelino, asina a worde bisa, a rechaza un proposicion di Marokko pa stop di bringa inmediatamente.

Voor alles wat schoon moet is er LUX VLOEIBAAR

Moderne Lux Vloeibaar, Uw beste en Uw prettigste hulp. Lux Vloeibaar is krachtig, en zo zuinig: U hebt maar een paar druppels nodig voor een schuimend sop. En Lux doet zoveel voor U. Uw afwas wordt sprankelend schoon, in een wip. De fijne was - nylon, wol en zijde - 't komt alles fris - geurend uit het veilige, milde Lux-sop. En Lux maakt ook verwerk, tegels, ramen en vloeren stralend schoon. Handig! Dat is Lux Vloeibaar.



Snel

Vet en vuil verdwijnen vliegenvlug

Zuinig

Met 2x knijpen maakt U een schuimend sop vol waskracht - 1 fles LUX is ruim voldoende voor 100x afwassen.

Zacht

LUX VLOEIBAAR geeft U een sop vol zachtheid. Daar in zijn Uw handen veilig.

Handig

LUX VLOEIBAAR in de plastic fles staat klaar voor al Uw schoonmaakwerkjes.



HAAL VANDAAG NOG ZO'N FLES LUX VLOEIBAAR

De ideale machine voor kinderen die typen leren !!!

Underwood 21
De compact schrijfmachine met tabulator

voor intensieve arbeid geknipt voor kinderen die typen leren, voor de middenstand en handig bij ruimte-gebrek thuis, op kantoor of elders, in bijzonder decoratieve en solide uitvoering, inclusief luxe draagkoffer.



Fl. 195,—

10% KORTING bij contante betaling

PALAIS ROYAL ARUBA N.V.

ORANJESTAD

SAN NICOLAS

te. E proposicion tabata contene ademas pa mantene e situacion militar manera e ta actualmente. E trupanen lo mester queda den e posicionnan cu tabatin prome cu e armisticio lo a worde proclama. Un comision mixto di investigacion e ora ey lo a haci un investigacion local, asina e agencia a bisa. (E Argelinan semper a stipula positivamente cu e trupanen di Marokko mester retira prome riba nan propio territorio, prome cu lo por papia di un armisticio).

Awor un quiebra total entre Marokko y Argelia ta parece inevitable. Pero na Argel tur cos ta tranquil. Wel tin hopi vehiculo di eheerito ta corre cu voluntarianan bou di cantamentu den cayanan di e capital. Radio Argel ta transmiti cada ora e ultima noticianan di frontera. E emisora ta sigui expresa acusacionnan na direccion di rey Hassan a worde acusa di ta complice na e arrestacion di Ben Bella door di e Francesnan durante e lucha pa independencia di Argelia. Radio Argel a bisa, cu el a stroba e militarnan Argelino cu den e periodo ey tabata na Marokko. Den mundu Arabe tin gran actividad diplomatica en conexion cu e situacion na frontera entre Argelia y Marokko. E agencia di prensa na Irak lo manda un mision di paz awe na Argelia y Marokko cu lo insisti pa stop e hostilidadnan.

Na Cairo e secretario general di e Liga Arabe a participa, cu diasabra lo tin un reunion especial di e Liga pa atende e asunto serio.

FATUM — Tel.: 1845
pa tur bo aseguranan

E minister Argelino di Estado Amar Oezegane, quende a regresa Argelia despues di un bishita na China comunista e Indonesia y quende tabata na Cairo durante su viaje di regreso, a entrega un mensahe personal di president Nasser na Ben Bella.

Mensahe di president Kennedy

Den un mensahe na e mas cu 17 million miembronan di C.U. na mundu, president Kennedy a extende su felicitacion y mihor deseonan. El a bisa cu e hendenan di e hopi paisnan nobo cu

Credit Union di Aruba ta celebra dia Internacional

ORANJESTAD, 18 oct. — „Mannan cu ta yuda den hopi pais“, ta e moto bou di cual e anja aki Credit Union na tur parti di mundo ta celebra Dia Internacional di C.U. Esakinan ta palabranan cual a worde dirigi door di presidente di Estados Unidos J. F. Kennedy den su mensahe na e mas cu 17.000.000 miembronan di C.U. na tur parti di nos mundo liber, na ocasion di celebracion di Dia Internacional, durancio asina cu poco palabranan su opinion di e gran trabou cu e organisacionnan aki ta haci.

Na Aruba e dia aki lo no pasa keto. Diferente Credit Unionnan cada uno, na su propio manera lo celebra. Entre otro ya Credit Union „Fatima“ tabatin nan celebracion ariba dia 16 ultimo den februari cu mr. F. C. Flik kende tabata Officer di Husticia na Aruba a worde traslada pa Corsow, a worde nombra temporalmente pa e puesto aki. Cu Landsbesluit di dia 8 ultimo sr. Tjon Ajong awor a keda nombra definitivamente, entrante dia promer di october 1963.

Senior Tjon Ajong a traha for di anja 1950 te anja 1955 como sub-griffier di Corte na Aruba y tabata tambe alavez ambtenaar na Ministerio Publico. Ultimamente e tabata hoofdcommissie na Parket di Officer van Justitie.

Ministerraad y B.C. a delibera tocante plannan di progreso

ORANJESTAD 18 oct. — Diamars a tuma lugar den Conference Room di Aruba Caribbeaan Hotel un encuentro di ministerraad di Antillas y e Bestuurscollege completo di Aruba. Na e ocasion aki Gezaghhebber O. S. Henriquez a mustra di ta na gusto pa e Bestuurscollege di Aruba di a hantia e oportunidad pa tin intercambio di ideanan cu e Ministerraad en cuestion cu e plannan di progreso, enalnan ta cu bon di promer fase di e Plan di Diez Anja.

Tocante di esaki Gezaghhebber a bisa „manera ta conoci anja pasa e promer fase aki a worde prepara y manda aden. Na juni di e anja aki en principio a yega na un combenio tocante di e manera di financia y tocante di e „plafond“, pero tocante di e projectonan individual te ainda ningun promesa.

en todo caso, definitivo no a worde haci. Senior Henriquez a sigui bisa cu anja peticion di algun luna pasa pa traha un prioriteitslijst y manda esaki aden, B.C. a tuma e coortinidat pa balbe studia henter e promer fase.

Algun cambio

E bestuurscollege en relacion cu esaki a hantia cu algun cambionan por worde haci ariba e lista, enalnan ta di importancia. Manera gezaghhebber a bisa despues di a entrega e lista na minister president E. Jonckheer. „Aki ta trata di casonan urgente“, como cu e situacion social y economica di Aruba ta di tal manera cu yudanza ta un urgencia. E plannan ta pa melhora e situacion di e isla“.

Premier Jonckheer kende a ricibi e plannan cu e palabranan di suplica di gezaghhebber, na despues di studia e lista, mande pa e gobierno di Hulanda cu e peticion urgente di Aruba, pa duna tanto yudanza cu ta posibel, a mustra cu e gobierno di Corsow tambe a manda algun plannan aden. Segun e premier gobierno a hantia cu ta mihor pa trata e plannan cu Hulanda.

Alavez e plannan ta suma un total mas grandi cu loke e gobierno di Hulanda tabata di acuerdo pa duna en principio. Asina cu e gobierno aki ta yata prefera di hantia listanan di prioridat prome cu nan duna un declaracion. Pero segun e premier despues cu el a duna e gobierno di Hulanda aplicacion di di con e sumanan a bira mas halto cu anteriormente a worde informa, esaki a worde comprendi y e gobierno a duna nan opinion en principio di algun di e plannan.

Premier Jonckheer a laga sabi cu e ministerraad ta contento cu bestuurscollege a forma un lista di prioridat, na lo worde entrega na e „Centrale Welvaartsbureau“ pa forma un lista conjunto. Segun e premier, e lista lo worde entrega pronto na e gobierno di Hulanda y cu e lo haci loke ta posibel pa e cuestion worde trata tan liher cu por. El a mustra cu nan ta sigur cu e isla aki ta den un tempo, cu e yudanza na e plannan aki ta di suma importancia.

Na e deliberacionnan tabata presente, B.C. completo di Aruba, Ministerraad, consistiendo di, premier E. Jonckheer y ministronan E. O. Petronia, J. R. Beaulon y C. D. Kroon, tambe e secretario di gobierno central Mr. H. van der Made.

Despues di e deliberacion tocante e listanan di prioridat, otro deliberacionnan a tuma lugar entre B.C. y Ministerraad.

S. H. TJON AJONG DIFINITIVAMENTE OFICIER DI JUSTICIA

ORANJESTAD, 18 oct. — Ultimamente a keda nombra definitivamente como Officer di Husticia na Aruba sr. S. H. Tjon Ajong kende desde luna di februari cu mr. F. C. Flik kende tabata Officer di Husticia na Aruba a worde traslada pa Corsow, a worde nombra temporalmente pa e puesto aki.

Cu Landsbesluit di dia 8 ultimo sr. Tjon Ajong awor a keda nombra definitivamente, entrante dia promer di october 1963.

Senior Tjon Ajong a traha for di anja 1950 te anja 1955 como sub-griffier di Corte na Aruba y tabata tambe alavez ambtenaar na Ministerio Publico. Ultimamente e tabata hoofdcommissie na Parket di Officer van Justitie.

Uw lievelingszeep zeer voordelig!

Lux, Uw toiletzeep. Zo zacht en zuiver... zo vertrouwd. Lux is nu bijzonder voordelig. Bij aankoop van 3 tabletten Lux Toiletzeep krijgt U er één gratis. 4 tabletten Lux bij één in een fleurig pakketje van 4 mooie kleuren.

4 VOOR DE PRIJS VAN 3

LUX TOILET ZEEP!



DELICIOSO — RICO — REFRESCANTE
DELICIOUS — RICH — REFRESHING
LIBBY'S LIBBY'S LIBBY'S



Pa e calor aki nada miho cu jugo di fruta — pero

For the warm weather there is nothing more refreshing than a cool glass of

NECTAR.

UE 32.100.100



Canciller Erhard ta anuncia gabinete nobo di Alemania

BONN, 18 oct. — Durante un ceremonia simpel den palacio Schanburg dr. Adenauer a entrega su puesto di canceller di Alemania West na su sucesor, prof. Ludwig Erhard. Djes prome e canceller saliente a tuma despedida di su staf di 230 persona. Na cada un di nan el a entrega un ejemplar di e bukli illustra, Adenauer y su tempu.

Despues di entrega di e puesto e canceller nobo di Alemania West a habra su oficina, quedando el a entrega un lista cu formacion di su gabinete nobo.

Canciller Erhard a anuncia e gabinete nobo di Alemania West cu ta consisti di 15 representante di e partido Union Cristian Democratica, entre cual dr. Schroeder pa relacionnan Exteriores, y cinco demócrata liber, entre cual d. Mende.

Dr. Mende ta vice canceller y minister pa Asuntunan tocante heater Alemania. Despues di a presenta e gobierno nobo, president Lübke a entrega e documentonan di nombracion.

PENANAN DI MORTO NA SIRIA

DAMASCO, 18 oct. — Un tribunal militar na Damasco a condena dies persona cu a participa na un golpe di estado dia 18 di juli di aña aki na pena di morto. E dies condenadonan tur ta militarnan. Tres otro a haya trabou obligatorio pa nan bida larga y desecuter a haya castiganan di prison. Tres acusado a sali liber.

BOM TA DESTRUI CARNICERIA DI PARIS

PARIS, 18 oct. — Un carnicero di Paris, cu no a tuma parti na e convenio pa sera diamars como protesta contra e prijs maximo di biefstuk, a experencia cu su competidornan ta dispuesto pa pone forza tras di nan accion. Dia-rason anochi su carniceria a worde destrui completamente pa un explosion.

Den un discurso cortico el a haci yamentu riba e gobierno nobo pa tene e debatenan politico honrado y cu caballeridad. Despues prof. Erhard a declara cu formacion di e gabinete nobo no a transcurri sin dificultad, pero cu awor tur miembronan lo coopera.

Prome cu esey prof. Erhard a lesa e lista di e ministernan pa e fraccion di e partido Cristian Democraat den parlamento.

DEPOSITO DI ARMA DESCUBRI NA VENEZUELA

CARACAS, 18 oct. — Polis na Caracas a descubri dos deposito importante di arma na Caracas, cu tabata destina pa accionnan subversivo. Ademá polis di Caracas a haya un gran cantidad di material destina pa propaganda subversiva.

E armanan a worde haya den un villa y e material di propaganda den un garashi. Cincu persona a worde aresta. Durante un tiroto na e villa diferente terrorista a worde herida.

Ademá polis a detene un persona sospecha, quende parece tabata un di e agentenan di comunicacion di e ex coronel Moncada Vidal. Vidal ta un di e lidernan di e forsan di liberacion nacional, cu ta bringando pa evita e eleccionnan cu lo tin dia prome di december venidero.

30 MILLON PA EXPORT LATINO AMERICANO

WASHINGTON, 18 oct. — E banco internacional di desarrollo a destina un suma di treinta millon dollar pa financiamiento di export di e paisnan Latino Americano. E banco lo duna prestamonan cu un periodo mediano pa export di machin, auto, equipo electrico, equipo di agricultura, machinan di kantoer etc. etc. Un que otro ta intencion pa progreso integracion economica di e paisnan en kestion Argentina, Brasil, Chili, Mexico, Colombia, Paraguay, Peru y Uruguay. Dia prome di januari di otro aña nan lo cuminsa cu ejecucion di e plan.

Di bishita tabata na Aruba algun dia pasa, vice-minister president di Hulanda, Drs. A. Jonkers y senior A. van Dongen, jefe di Centrale Accountantsdienst na Den Haag. Durante nan estadia na Aruba nan a delibera cu Bestuurscollege tocante di e promer fase di e plan di Diez Aña y tambe nan a bishita e diferente proyectonan na nos isla. Aki nos ta mira senior Van Dongen (rohez) huntu cu Gezaghheer Henriquez (centro) y deputado I. S. de Cuba (drecht) na e haaf di Breda.

KENNEDY KIER MAS PLACA PA PROGRAMA NUCLEAR

WASHINGTON, 18 oct. — President Kennedy a pidi pa aumenta e presupuesto pa e comision pa energia nuclear cu seis millon dollar a fin di ta prepara pa un eventual violacion di e acuerdo pa stop e pruebanan nuclear parcialmente. E placa extra lo worde usa pa construi instalacionnan nobo den e tres laboratorionan di arma y riba e terreno di exercicio den e desierto di Nevada. Pa esey ya tabatin 12 millon dollar disponible.

E intencion di aumento ta, pa queda prepara pa por reanuda e pruebanan nuclear den atmosfera mas pronto posibel, si otro paisnan viola e acuerdo. Tambe e ta intencion pa yuda un programa intenso di pruebanan subterranio.

FUNCIONARIONAN MERICANO EXPULSA

VARSOVIA, 18 oct. — Funcionarios di e embajada Mericano na Varsovia a participa, cu e destacado Mericano di marina, James Baxter y su reemplasante, Edward Stefanik, mester bandona Polonia. Autoridadnan Polaco a acusanan di actividad inadmisibel. Parece cu nan a acepta articulonan di Polaconan cu a bishita e embajada.

WELGA DEN HAAF DI RIO

RIO DE JANEIRO, 17 oct. — Obreronan di haaf na Rio de Janeiro a comenza welga awe despues di un conflicto tocante nan derechonan. A sinu un noticia for di Rio de Janeiro ta bisa, cu no ta duna mas detayes.

GLENDIA MARGARETHA A GRADUA PA ENFERMERA

ORANJESTAD, 18 oct. — Ultimamente Janina Margaretha na Aruba a ricibi e grata noticia cu nan yiu muher Glendia Margaretha kende tres aña pasa a sali pa Hulanda a gradua pa enfermera na Algemeene Ziekenhuis na Vlaardingen.

Senjorita Margaretha kende a gradua dia 30 di september por lo pronto no tin intencion di bolbe Aruba, como cu e ta sigui studia na partera. Glendia Margaretha ta yiu muher di senjor J. Margaretha empleado den servicio di Gezondheidsdienst departamento di ambulansia.

MASCARUBA TA STUDIANDO „MARIA DI SER'I NOKA"

ORANJESTAD, 18 oct. — Actualmente e grupo teatral Arubano „Mascaruba" ta studiando extensivamente, cu yudanza y bou di direccion di e regisor di Sticusa sr. Piet Eelvelt, „Maria di Ser'i Noka", un comedia na Papiamentu, cual originalmente ta un comedia Hulandes, scribi mas o menos na aña 1500.

E comedia ta trata di un figura cu durante 7 aña largo a biba cu diablo. E obra a worde adapta mas tanto posibel na e tempo antiguo di Aruba y e lo hunga na mas o menos den e tempo cu Santa Cruz a worde funda. E datonan historico pa e adaptacion a ser tuma for di e bukli „Aruba" di dr. J. Hartog. E traducion di e comedia a worde haci pa drs. Raoul Römer.

Anteriormente tabata existi e plan pa e comedia aki worde titula „Maria di Mahuma". Pero pa motibo cu e nomber „Maria di Ser'i Noka" ta pas mas /era e comedia, e ultimo titulo a worde tuma definitivamente.

E personanan cu lo actua den e comedia lo ta: Lula Marchena, Cristina de Freitas, Susana Gutierrez, Yvonne Spellen, Jani Hoevertz, Oslin Boekhoudt, Pepe Fradl, Orlando Ferrol, Gechi Pieterz, Ciso Martis, Alfredo Rosenstand, Remigio Mathilda y Domi Tromp.

E intencion di „Mascaruba" ta pa presenta e comedia aki na luna di december.

OTRO VELADA LITERARIA DI „ATENEO DE ARUBA"

SAN NICOLAS, 18 oct. — Diamars venidero „Ateneo de Aruba" lo tene nan di ocho velada literaria. Pa e reunion aki nan ta invita tur miembronan y nan familiarnan pa asisti na e velada aki, y tambe nan ta pidi na e participantenan pa contribui cu lectura, prosa y verso. E velada literaria aki ta worde tene den Club di Y.M.C.A. na San Nicolas.

TEMPEL NA PERU A WORDE DESCUBRI

LIMA, 18 october. — Den e departamentu Huanuco, na oost di Peru, arqueologonan Hapones a descubri un tempel, cual nan ta calcula cu lo tin 4000 aña bieu. Probablemente e tempel ta esun di mas bieu, cu te awor aki a worde descubri na America Latina.

E tempel a hanja e nomber „Tempel di Brazanan Cruza" pasobra tur e figuranan cu ta worde presenta den e tempel ta sinu cu nan brazanan cruza.

YABI

pa bo exito

Avisa den ARUBAANSE COURANT y compara e resultado

VERF MARCA

ROMART

INTERIOR — EXTERIOR
ROMART TA UN VERF MODERNO, CUIDADAMENTE MESCLA PA PROTEHA E SUPERFICIE COMPLETO.

1 golon f. 5.10
¼ golon f. 2.25

Tambe tin tur sorto di KWASHI. Obtenible na:

Panama Store

BO A WEITA NOS TAPIJTAN CABA ???

calidad, bunita disenjo y na prijsnan masha atractivo.

MESKER ARUBA n.v.

TA BENDE

STUDEBAKER LARK
STATIONWAGON 1959.

Condicione excelente, recién geveert. Tiranu nobo.

Pa informacion
GOLEY, LAGO TEL. 2219

SALUDOS FOR DI HULANDA

ORANJESTAD, 18 oct. — Diasabra venidero pa 6'or y mei di atardi por tende e siguiente saludonan for di Hulanda via Radio Kelboom.

For di R. K. Kweeschool „Broeders de La Salle" na Baarle Nassau lo papia Edgar Boekhoudt, Syro Stamper y Rudolf Kock. For di R.K. Maria Kweeschool na Schyndel por tende e saludo di Dianne Profeet. Mientras cu for di Delta Ziekenhuis in Portugal na Rotterdam, lo papia Fabia Albertsz.

E programa aki lo worde repiti dia-razon dia 23 proximo pa un cuartopar siete via e mes emisoras.

E YUDANZA DI MERCA NA EXTERIOR

WASHINGTON, 18 oct. — E comision Mericano di Senado di exterior ajera a acepta amandamentunan riba e proyecto di ley tocante yudanza na exterior, cu ta prohibi yudanza na paisnan, cu ta admitti nan saor y avionnan pa transporta articulonan militar of estrategico pa Cuba.

Tambe den caso di transport di otro articulo pa Cuba un pais por worde exclui di yudanza, hasta si president Kennedy ta di opinion cu e yudanza na e pais ey por ta di importancia pa seguridad di Merca.

Pero den caso di transport di articulon militar of estrategico auto president di Merca no por interveni.

OUD-SENIOREN TRUPIALEN TA REUNI PA PROMER BIAHA

ORANJESTAD, 18 oct. — Despues cu e di cinco grupo di „De Trupialen" a keda forma ultimamente, un reunion a worde proponi pa e miembronan aki (10) pa tuma lugar dia 20 di october, esta diado mingo awor pa 10'or y mei di mainta den e club di e organizacion aki. Doel di e reunion ta pa delibera con e grupo aki lo worde organiza.

Pa e Juñeron, manera nos a anuncia anteriormente eha tin un peregrinacion pa Alto Vista Diasabra mainta, es'q majan.

pa haci bo jardin bunita, y aumenta bator di bo cas... nos tin SKOP, FORKI, HALADO, CHAPI, etc, tambe gran surtido di SIMINJA PA FLOR, BERRURA Y JERBA.

ACME STORE

— TEL. 5381 - 5384.

o caba di jega:

SAPATO

PA MUCHA

marca DINGO
conoci pa nan calidad, puro cuero, comodo, y duradero, obtenible unicamente na:

La Linda

TA BENDE

UN PANEL BODY DODGE 1957

den perfecto condicion, cu cuater tire nobo.

Pa informacion pasa na BLEUMONT 9 (Paradera)

TA BENDE

1 Nevera „KELVINATOR" 1 stoof „TAPPAN"

Nau ta completamente nobo. Y tambe varios articulo mas.

Pa informacion: N. CROEZE na H. S. Croes Store Tel. 1068

TA BENDE

UN SET DI SALA den bon condicion y baroto!

FIAT 1900, onja 1961

Pa informacion SRA. DINNISSEN, Julianastraat 3, Oranjestad Tel. 2576

TA BENDE

UN PANADERIA completamente equipa. Bon sitio na Savaneta. Cash of quota.

Pa informacion JAMA TEL. 7345

PARAISO DI TUR SORTO DI TELA

Nassaustraat No. 34

Pa pasco nos a ricibi bunita Brocat di color di oro y plata. E famoso Cotton Shantique, den colornan fantastico y cu bunita disenjos, Katuna Drip-Dry Avril, cu no ta machika y ta laba keda bon, y cu disenjos nobo di aña 1964. Cortina di Fiber-Glass cu disenjos moderno. Tur ta barata - barata - barata - barata!

CISCO KID presenta pa cortesia di ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

1. Okay... bo a cambia e marea? di 7 pa 13... y djé... un baco no bal nada?

Por favor, miho bo cambia bo comberzacion.

2. Y... Tende, bisami un cos, un tal supersticioso Smith... ta bo miho?

Si... 3. Un hende ta tramando algo contra di djé.!!!



PEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sonitario.

1. Pepita, bo a coge e 6 dollaran cu mi a sconde den e zafato aki?

2. Lorenzo, con ho por tribi di acusa mi di na cos asina?

3. Un hende mester a coge! Awel no tabata anu...!

4. E 6 dollaran cu mi a coge, tabata den e otro zafato.



PETICION PA NO COLOCA ARMANAN NUCLEAR DEN ESPACIO

NEW YORK, 18 oct. — Asamblea General di Nacionnan Uni a acepta unanimemente y pa aclamacion un resolucion cu ta di atera a worde acepta pa e comision politica. Den e resolucion un peticion ta worde haci riba tur paisnan pa nan no coloca armanan nuclear den espacio of riba un cuerpo celestial.

E Ruso Fedorenko a bisa cu e decision ta un paso importante pa mengua tension internacional tambe e Mericano Stevenson y secretario general O. Thant di Nacionnan Uni tabata contentu cu e resolucion.

BOLSA ANUAL DI SURNAM TABATA UN EXITO

PARAMARIBO, 18 oct. — E di nueve bolsa anual di Surinam, cu a worde tene siman cu a caba na Paramaribo, a resulta un exito. No solamente e cantidad di participantenan na e bolsa a aumenta compara cu otro añanan, pero tambe e cantidad di bishitantenan a subi considerablemente.

Un total mas di 45.000 persona a bishita e bolsa.


E participantenan cu un tent comercial, entre cual un envio colectivo, di e camara central pa progreso di comercio na Den Haag, tabata sumamente satisfecito tocante e interes di parti di publico.

Tambe e curacion cultural a hala hopi atencion.

CONVENCION PA SEGURIDAD RIBA LAMAN NO POR DRENTA NA VIGOR

LONDEN, 18 october. — E convencion pa seguridad riba laman cu a worde traha na aña 1960 no a worde firma pa suficiente pais pa e por drenta na vigor.

E convencion a worde acepta pa 15 pais. Sels di nan tabata paisnan cu mas di un milion ton di espacio di bapor. Tabatin mester di solamente un pais mas di e categoria ey pa e convencion por a drenta na vigor. 21 gobierno a acepta e stipulacionnan modificado tocante choquenar riba laman. Pero esaki no ta suficiente pa por papia di un aceptacion unanime, pa e stipulacionnan por hanja vigor internacional.



Inmediatamente despues di e desastre grandi na e dam di Valoni na Italia, cu a existi miles di victimanan nan a cuminsa cu e trabon di rescate. Aki, un bista tristu di e trabon di rescate despues di e desastre. Den cierto circuntonan Italiano, nan a critica autoridadnan desponsabel. E desisamente den e seru Toe cu ta causa di e desastre lo a worde constata basta tempu caba y diferente hendenan lo a mustra den pasado riba e posibilidadnan di un desastre grandi.

ESTADO DI SALUD DI MACMILLAN

LONDEN, 18 oct. — E premier Ingles, MacMillan, quende siman pasa a worde opera y actualmente ta den un hospital Londinense, ta hopi cansa, asina su medico, dr. Richardson a bisa. For di dia di su operacion e tabatin un continua bishita di funcionarianan di su gobierno y partido na su cama. Un patient normal na e momento aki solamente tin mag di ricibi bishita di su famianan mas yega y no muchu largu.

Si MacMillan no tabata un persona cu un fortaleza fisica extraordinaria y cu un terrible forma mental, anto e lo no por a haci esey. Pero mas largu e situacion aki dura, mas tanto lo dura pa MacMillan recupera, asina dr. Richardson a participa.

TRUPANAN INDONES DEN ESTADO DI ALERTA

DIAKARTA, 18 oct. — Segun e agencia oficial di prensa na Indonesia „Antara“ e trupanen Indones na West Nieuw Guinea ta den estado di alerta despues cu Australia a ofrese e federacion di Maleisia yudanza militar den caso si e federacion lo mester haya den un conflicto arma cu Indonesia. E comandant regional di forsanan aerea na West Nieuw Guinea, comandante Gottschalk, cu a participa esqui na e agencia, a bisa cu su unidadnan ta prepara pa resisti e ataquenan aerea. Segun su declaracion avonnan di Australia a haci vuelonan di reconocimientu pega cu e frontera di Indonesia.

NO TIN PROGRESO DEN RELACIONAN ENTRE HUNGRIA Y VATICANO

ROMA, 18 oct. — E president interino di e conferencia Hungaro di obisponan, mgr. Endre Hamvas, quende actualmente ta na Roma pa e concilio, a entrega e segundo secretario di e secretariado Vaticano, mgr. Casoli, e

contesta di gobierno Hungaro riba e condicionnan di Vaticano entre iglesia y estado na Hungria. E condicionnan ey tabata describi den un despacho, cual anja pasa a worde manda pa gobierno Hungaro via di intermediacion di mgr. Hamvas.

E agencia catolico Aleman di prensa ta anuncia tocante e asunto aki, cu e intercambio aki di condicionnan di ambos banda a aumenta e contralidatnan na lugar di mengua nan. Segun e fuente ey gobierno Hungaro a pone condicion:

1. Areglo di e asunto Mindszenty den e sentido ey, cu e cardenal ta bira primado di Hungria nombra den un puesto na Roma.

2. Ocupacion di e puertonan vacante di obispo, principalmente door di reconocimientu di e capittel-Vicarionan, quendenan ya anteriormente a worde indica bou di presion di gobierno.

E contesta di gobierno Hungaro riba e despacho na Vaticano no ta contene ningun indicacion, asina e fuente menciona ariba ta bisa, cu e gobierno ta dispuesto pa cumpli cu e condicionnan stipula.

PREMIO NOBEL PA MEDI- CINA TA BAI PA TRES

STOCKHOLM, 18 oct. — E premio Nobel pa medicina a worde otorga e anja aki na Sir John Carew Eccles di Australia, e Ingles Alan Lloyd Hodgkin y e Ingles Andrew Fielding Huxley. E tres neurologonan ta reparti e condecoracion pa nan descubrimientonan riba terreno di „procesonan ionic na irritacion y frenacion; den e partinan pafor y central di cel di nervio“.

E premio ta consisti di mas o menos 92.000 florin y lo worde entrega dia dies di december awor na Stockholm pa rey Gustaaf di Suecia.

Anja pasa tambe e premio Nobel pa ciencia medica a worde otorga na tres cientifico, esta e Inglesnan Francis Crick y Maurice Wilkins y e Mericano James Watson, pa nan labor riba terreno di ciencia di herencia.

Profesor Hodgkin tin 49 anja. Den tempu di guerra e tabata traha na e ministerio Ingles di Aviacion y tabata haci investigacionnan riba terreno di radar.

Profesor Huxley, quende tin 55 anja, ta profesor di fisiologia for di anja 1960. Mesun puesto ta worde ocupa pa Sir John Eccles na e universidad di Canberra.

UN ESTACION TRIPULA DEN ESPACIO

WASHINGTON, 18 oct. — E ministerio di Defensa y e oficina Mericano pa vuelonan den espacio y aviacion a firma un acuerdo pa coordinacion di tur pre-estudionan preparativo riba terreno di lansamentu di un eventual estacion tripula den espacio. E acuerdo a worde firma pa e minister di Defensa na Merca, Robert McNamara, y e director di e oficina di vuelonan den espacio, dr. James Webb.

Di fuente oficial Mericano nan ta pronostica cu un estacion tripula den espacio lo no por worde lansa prome cu den anjanan 70.

CONCILIO NO TA PAPIA RIBA MATRIMONIONAN MIXTO

CIUDAD VATICANO, 18 oct. — En conexion cu e noticia di un agencia stranhero di prensa tocante un amandamento riba e schema tocante liturgia en relacion cu bendicion di matrimonio mixto, e agencia Hulandes catolico di prensa ta anuncia despues, cu e participantenan na e concilio a declara dialuna na e reunion di concilio di ta acepta un proposicion di e comision di liturgia pa no dicidi di introduci un rito aparte na bendicion di matrimonionan mixto (pa cual naturalmente e dispensacion eclesiastica necesario a worde duna).

Na e prome sesion di e concilio un di e participantenan na e concilio a pidi pa un rito aparte pasobra segun e bendicion di un matrimonio mixto tabata sosode den un ambiente muchu secu. E comision di liturgia a studia e proposicion aki di tur banda el a avisa e participantenan pa no papia tocante e asunto ey den e schema di liturgia.

E proposicion menciona no tin nada di haci cu otro proposicionnan cu por worde spera tocante matrimonio mixto y cu e condicionnan, cual iglesia ta stipula pa validez di un tal matrimonio.

ELECCION NA ALEMANIA OOST DIADOMINGO AWOR

BERLIN, 18 oct. — Diadomingo awor lo tin eleccionnan na Alemania Oost pa parlamento di e estado. Esaki ta di cuater biaha for di anja 1950 cu tin eleccionnan na Alemania Oost. Ademas lo worde vota pa ocupacion di e 14 conchonan di distrito y e consho municipal di Berlin. Pa e eleccionnan aki tin solamente un lista, esta esun di candidatonan di e frontera nacional. Esaki aunque en den constitucion di Alemania Oost e sistema electoral ta stipula a base di representacion proporcional.

E tercer parlamento, di anja 1958, tabata consisti di cuatercien asiento, di cual 220 tabata pa e partido socialista di unidad y e otro 180 asientonan sobra tabata pa e partidonan civil, pues un relacion di 55 pa 45 por ciento. E parlamento nobo lo bin consisti di 434 asiento pero e 34 asientonan nobo tur ta bai pa e partido socialista di unidad di moda cu e reparto di asiento ta worde cambia na favor di e partido ey cu 51 por ciento contra 41.

OTORGACION LIMITA DI CREDITO NA HULANDA

AMSTERDAM, 18 oct. — Banco Hulandes a bolbe introduci e sistema segun cual otorgacion di credito na e sector particular ta worde sometie na cierto stipulacionnan. E sistema aki a worde suspende dia sheste di januari di e anja aki.

En bista di pedido considerable di credito cu ta continua den industria y e influencia, cu esaki lo por pasa ainda di e recien desarollonan economico y financiero, banco Hulandes, asina ta worde participa, en consulta cu organizacionnan di ser bancario a dicidi pa reintroduci e sistema bieu.

RELIGIOSO CONDENA NA SUR AFRICA

JOHANNESBURG, 18 oct. — E predicante Anglicano, Arthur William Blaxall di 72 anja, a worde condena na un castigo di prison di 28 luna di cual 22 ta condicionalmente, pa via di a yuda organizacionnan publica prohibi y pasobra e tabatin publicacionnan prohibi den su poder. E defensor di e religioso, kende a ninga tur falta, a participa cu e lo no apela contra e sentencia.

ACCION DI E CARNICERO- NAN DI PARIS

PARIS, 18 oct. — Gobierno Frances a ofrese yudanza di polis na carniceronan cu kier rehaha nan prijsnan. E promesa aki a worde haci, despues cu e carniceria di un carnicero a worde destrui pa un bom. E carnicero no a preocupe cu e decision di su colega na sera nan negoshinan diamars y pa no bende carni di baca durante un siman.

E carniceronan Parisense ta actua contra e stipulacionnan di prijs door di gobierno pa carni di baca, cual ta contene rebaho di prijs pa venta en detal. E intencion di e rebaho aki ta pa aumenta e estabilidad economica.

Un delegado di e minister di finanzas, Valery Giscard d'Estaing, a bin bisa e carnicero cu nan a destrui su negoshi, cu gobierno lo paga e danjo causa.

INUNDACION NA BRASIL

RIO DE JANEIRO, 18 oct. — Segun noticianan di radio scucha na Rio de Janeiro awe diez mil hende mester a hui for di nan cas door di un inundacion di e rio Gualiba, door di cual un parti di Porto Alegre na sur Brasil a keda inunda. E gobernador di e estado Rio Grande do Sul, Ildo Meneghetti a pidi gobierno federal yudanza pa e victimanan.

E BISHITA DI MINISTER OKOTI-BOH NA HULANDA

DEN HAAG, 18 oct. — E minister Nigeriano di Finanzas, senyor Okoti-Eboh, ayera mainta na e ministerio Hulandes di exterior na Den Haag a delibera cu amb enaanan tocante e yudanza di Hulanda na Nigeria. Despues di e deliberacion aki e minister di Nigeria seguidamente a bishita e secretario di estado pa relacionan exterior, mr. L. de Block, y su colega Hulandes, prof. dr. Witteveen.

BO HOROSCOPO PERSONAL

ARIES
21 Maart — 20 April



TAURUS
21 April — 20 Mei



GEMINI
21 Mei — 20 Jun



CANCER
21 Jun — 22 Jul



LEO
23 Jul — 22 Augustus



VIRGO
23 Augustus — 22 September



LIBRA
23 September — 22 Oktober



SCORPIO
23 Oktober — 22 November



SAGITARIUS
23 November — 21 December



CAPRICORNUS
22 December — 19 Januari



ACUARIUS
20 Januari — 18 Februari



PISCES
19 Februari — 20 Maart



UNION SOVIETICA Y CHINA TA BAI DELIBERA ATROBE

PEKING, 18 oct. — Un segunda serie di deliberacionnan entre Union Sovietica y China tocante e problemanan ideologico y politico ta cuminsa pronto, asina ta worde informa di fuente stranhero bon na altura na Peking. E deliberacion anterior, cu a worde tene na juli na Moscu, a termina den un fracaso.



Probeer nu eens BRYLCREEM



voor het uiterlijk waar zij van houdt



BRYLCREEM maakt Uw haar gezonder en geeft een beter zittende, natuurlijke vorm zonder het haar vet te maken

Gebruik BRYLCREEM, de moderne haarverzorging die de gehele dag een welverzorgd uiterlijk garandeert en Uw haar gezond en soepel houdt. BRYLCREEM verzekert succes en geeft U het mannelijk frisse uiterlijk dat zo door het vrouwelijke geslacht bewonderd wordt. Gebruik toch geen ouderwetse vette brillantines. Wees modern en gebruik BRYLCREEM... het is een stap in de goede richting.



BRYLCREEM
MAAKT UW HAAR GEZONDER

BUCHI ROBEZ

presenta pa cortesia di

REFRESQUERIA INGRID

TEL. 1849

★ e mehor adres pa snacks, tur clase di dushi, softdrinks,

